

SANCTI AURELII  
AUGUSTINI,

EPISCOPI HIPPONENSIS,

SERMONES INEDITI.

CLASSIS II.

SERMONES DE TEMPORE.

SERMO V.

De Annuntiatione.

*Legitur in duobus Codicibus Montis-Cassini, nempe Cod. cx, fol. 27; et ci, fol. 178. Codex cx terminatur ante numerum v; Codex ci prosequitur usque ad finem. Habetur insuper in bibliotheca Laurentiana, Florentiæ, Plut. xiv, Cod. 1, fol. 89, et quidem integer. Codex Laurentianus profert nomen sancti Leonis; duo autem Cassinenses nomen sancti Augustini repræsentant; et verius quidem, ut legenti patebit ex verborum oppositionibus S. Augustino, non autem S. Leoni familiaribus. In Editis præponendum fuisset Sermoni clxxxiv, et primus locus inter sermones Classis II de tempore illi debetur.*

007986

## SYNOPSIS.

I. Gabriel ad Mariam salutandam missus advenit. II. Mariæ hæsitatio et locutio cum Angelo. III. Maria virgo in partu mansura. IV. Mariæ assensus. V. Generatio Christi inenarrabilis. VI. Maria virginitate et humilitate Dei Mater facta. VII. Christi dona humilibus et mansuetis.

I. ADVENTUM Domini et Salvatoris nostri, in quo hominum genus, humano indutus corpore<sup>1</sup>, dignatus est visitare, per totum hodie sæculum universalis frequentat Ecclesia, et anniversario reditu<sup>2</sup> efficitur valde jucunda. Quod enim semel pro redemptione salutis propriæ factum credens mundus accepit, colendum in æternas progenies posteris consecravit, fecitque tunc ut ex veteri vita innovatæ mentis lætitia nasceretur. Nunc ergo transacti temporis miraculum ante oculos præsentatum<sup>3</sup>, dum ea quæ dudum gesta sunt divinæ lectiones proferunt, solemniter annuis vicibus devotissime celebratur<sup>4</sup>. Ecce audivimus, cum sanctum Evangelium legeretur, missum a Domino de regalibus thronis Gabrielelem archangelum, promittentem Mariæ virgini filium. Ingressus namque ad eam, quæ hominibus verecundiæ secreto latebat in abdito, sermonis auspicio taliter salutavit: « Ave, Maria, inquit, ave » gratia plena, Dominus tecum (a). » O annuntiatio mirifica! o salutatio peregrina, plenitudinis copiam portans, et virgineum pectus illustrans! Descendit igitur Angelus flammigero volatu micans, et Mariæ domicilium simul et mentem suæ claritatis fulgore collustrans. Præveniens itaque judicem præco tam præclarus et mitis, tam festinus et pro-

(a) Luc. 1, 28.

<sup>1</sup> In codice Laurent. deest *humano*. — <sup>2</sup> Id. male *reditum*. — <sup>3</sup> Cod. Laur. *præsentatur*. — <sup>4</sup> Cod. Laur. *celebrantur*.

perans, ut in prætorio virginitatis, quæ secreto<sup>1</sup> manebat in terris, suscipi potuisset Dominus<sup>2</sup> majestatis. « Ave, inquit, Maria, ave, gratia plena, Dominus tecum; » qui te creavit, jam te præelegit; quem paritura es, jam te replevit.

II. Turbata itaque illa in introitu ejus, erat cogitans, quod sic benedixit ei; quæ modestum apud se retinens propositi sancti silentium, et incognitum habens virile colloquium<sup>3</sup>, turbatur Angelo salutante, stupetque sibi taliter benedicente<sup>4</sup>; non tamen ausa est prævenire loquentem. Mirans enim apud se, diutius cum animo conferebat<sup>5</sup>, quod sic benediceretur. Quæ cum prolixius cogitans æstuar<sup>6</sup>, et Angeli præsentiam furtivis visibus notat<sup>7</sup>; simul enim<sup>8</sup> fulgorem præsentiae cum benedictione pertractans tacite hæsitavit; aspexit in eam<sup>9</sup> Gabriel, illustris Archangelus, Trinitatis sacro-sanctæ legatus, cœlestium<sup>10</sup> conscius secretorum, et ait: « Ne timeas, Maria, invenisti » enim gratiam apud Deum; ecce concipies in utero et » paries filium, et vocabis nomen ejus Jesum. Hic erit » magnus et filius Altissimi vocabitur, et dabit illi Dominus Deus sedem David patris ejus<sup>11</sup>, et regnabit in » domo Jacob in æternum, et regni ejus non erit finis (a). » Tunc Maria hæc angelica verba, ponderata examinatione, auscultans, et mentis statera prudentissima Virgo perpendens, ait: « Quomodo fiet istud quod dicis, quoniam » virum non cognosco (b)? » Habebo filium, quæ nescio virum? portabo foetum, quæ fugio partum<sup>12</sup>? quemadmo-

(a) Luc. 1, 30-33. — (b) Ibid. 34.

<sup>1</sup> Cod. Laur. *secreta*. — <sup>2</sup> Cod. Laur. *Dominum*. — <sup>3</sup> Cod. Laur. *alloquium*. — <sup>4</sup> Cod. Laur. *benedicentem*. — <sup>5</sup> Cod. Laur. *cum amore animo conferebat*. — <sup>6</sup> Cod. Laur. *hæsitar*. — <sup>7</sup> Cod. Laur. *fortius notat*. — <sup>8</sup> Cod. Laur. *etiam*. — <sup>9</sup> Codices Cass. *aspexitque in ea*. — <sup>10</sup> Cod. Cass. *cœlestiumque*. — <sup>11</sup> Cod. Laur. *sui*. — <sup>12</sup> Cod. Laur. *putabo factum, quæ maternum non habeo succum? Mamillis aridis, etc.*

dum vacuo utero generabo, quod non concipio? Mamillis aridis unde præbebo labiis infantis sugere postulantis, quando torum mei cubilis<sup>1</sup> nec incentivus amor possederit juvenilis<sup>2</sup>, nec amplexus aliquando concesserit maritalis?

III. Et Angelus: Non ita, Maria, non ita, noli expavescere; noli de tuæ sanctitatis integritate sollicitudinem gerere; intacta manebis, et de prole gaudebis<sup>3</sup>: inexperta conjugio, gaudebis de filio: sine conjunctione mortalis viri efficeris nurus Altissimi, quia filium generatura es Dei. Joseph vero ille vir castus, et justitiæ nomine decoratus, non maritus, sed custos tuus, non accedet ad te, sed « Spiritus sanctus superveniet in te; » nec ardens carnali libidine sponsus adhærebit tibi, sed « Virtus Altissimi » obumbrabit tibi; propterea et quod nascetur ex te » sanctum, vocabitur Filius Dei (a). » O domicilium Deo dignum! prius quam Angeli<sup>5</sup> luculentissima testificatione sibimet approbaret, quem<sup>6</sup> de palatii aula paterni delatum, qualem illum esse<sup>7</sup> propriis auribus susciperet, nullum verbum protulit ex ore pudico<sup>8</sup>, responsionis assensum.

IV. At ubi Maria illæ sæ virginitatis integritatem audivit veridica stipulatione firmatam<sup>9</sup>, respondit continuo, in sacratissimo suo pectore<sup>10</sup> perornate componens affuturum cubiculare<sup>11</sup> secretum: « Ecce, inquit, ancilla Domini; » fiat<sup>12</sup> mihi secundum verbum tuum (b). » Tanquam diceret: « Paratum cor meum, Deus, (c) paratum cor meum<sup>13</sup>, »

(a) Luc. 1, 35. — (b) Ibid. 38. — (c) Psal. lvi, 7.

<sup>1</sup> Cod. Laur. *cubuli*. — <sup>2</sup> Cod. Laur. *nec ingenuus amor juvenilis possederit*. — <sup>3</sup> Cod. Laur. *gaudebis de filio*. — <sup>4</sup> Cod. Laur. *nec ardebis carnis libidine, nec sponsus adhærebit, sed, etc.* Cod. Cass. *male adhæret*. — <sup>5</sup> Cod. Laur. *Angelus*. — <sup>6</sup> Cod. Laur. *quod*. — <sup>7</sup> Cod. Laur. *quale illud est*. — <sup>8</sup> Cod. Laur. *protulit ore*. — <sup>9</sup> Cod. Laur. *audivit integritatem veridica astipulatione firmata*. — <sup>10</sup> In Cod. Laur. *dcest suo*. — <sup>11</sup> Cod. Laur. *sibi cubilare*. — <sup>12</sup> Cod. Laur. *contingat*. — <sup>13</sup> Cod. Laur. *dicto semel paratum cor meum prosequitur quia, etc.*

quia intactus permanet uterus meus<sup>1</sup>. « Contingat mihi, Gabriel archangele, secundum verbum tuum (a); » veni ad cubiculum<sup>2</sup> suum, « Qui in sole posuit tabernaculum » suum (b). Oriatur » mihi virgini permanenti « Sol justitiæ (c), » in cujus pennis æterna permanet sanitas, cui perpetua castitate floescens mea perduret<sup>3</sup> integritas. « Egrediatur sicut splendor Justus (d) » et Salvator « quasi » facula (e) » accendatur. Solis facula totum illustrat, et quæ forsitan obstare videntur radiis suis specularia<sup>4</sup> interiorius penetrat, et nihil penitus dissipat. Procedat<sup>5</sup> jam ad oculos hominum « Speciosus forma præ filiis hominum (f), » procedat velut sponsus de thalamo suo (g), » quia secunda facta sum de proposito meo.

V. Quis istam generationem, Fratres mei, poterit sermone narrare? Quis linguæ facundia valeat explicare? Intemerata servantur virginitatis jura (et) naturæ<sup>6</sup>, et infans intrinsecus coalescit in virgine. Dum vero impletum est tempus ut pareret, expositus est partus sacer, cujus parientem nullus cognoverat pater<sup>7</sup>. Hæc est ineffabilis conjunctio nuptialis, Verbi et carnis, Dei et hominis. Ita namque factum est, inter Deum et hominem<sup>8</sup>, « Mediator Dei et hominum homo Christus Jesus (h). » Et ideo pretiosissimus conjugii thalamus electus est Virginis uterus, ut quia ex peccatis sordentibus<sup>9</sup> squalidus effectus fuerat mundus, veniens Creator mundi sine opere mundi, ex mundis vis-

(a) Luc. 1, 38. — (b) Psal. xviii, 6. — (c) Malach. iv, 2. — (d) Isaï. lvi, 1. — (e) Eccli. xlviii, 1. — (f) Psal. xlv, 3. — (g) Id. xviii, 6. — (h) 1 Tim. ii, 5.

<sup>1</sup> Cod. Laur. *meus uterus*. — <sup>2</sup> Cod. Laur. *habitaculum*. — <sup>3</sup> Cod. Cass. *ex male perduceret*. Cod. Laur. *perdurare decrevit*. — <sup>4</sup> Cod. Laur. *peculiariora*. — <sup>5</sup> Cod. Laur. *procedat Sponsus de thalamo*. — <sup>6</sup> Cod. Laur. *intemeritas servatur virginitatis jure naturæ*. — <sup>7</sup> Cod. Laur. *cujus conceptionis modum homo non cognoverat*. — <sup>8</sup> Cod. Cass. *cx i male inter Dominum, inter Deum et homines*. — <sup>9</sup> Id. *male ex se peccatis*.

ceribus effunderetur<sup>1</sup> in mundum, et novo miraculo natus in mundo, mundus<sup>2</sup> redimeret mundum. Venit namque filius hominis, sicut ait ipse Filius Dei et hominis, « Non ut » judicet mundum, sed ut salvum faciat mundum (a). »

VI. Dic mihi jam, quæso, Sancti sanctorum Mater, quæ materni floris odorem et niveum lilium<sup>3</sup> convallium sine succo<sup>4</sup> humanæ propaginis et sine imbre carnalis seminis in sinus Ecclesiæ seminasti<sup>5</sup>; dic mihi, quæso, unica Mater, quibus manibus, vel quo Divinitas<sup>6</sup> articulo in utero tuo formavit filiam, cujus Deus solus est pater. Dic, obsecro te, per Deum<sup>7</sup> qui talem fecit te, ut et ipse fieret in te; dic, inquam, mihi quid boni egisti<sup>8</sup>? Quantum præmium<sup>9</sup> obtulisti? per quas potestates ambiisti<sup>10</sup>? quos etiam patronos adhibuisti<sup>11</sup>? quæ suffragia præmisisti<sup>12</sup>? quo sensu vel qua cogitatione ad hoc, ut acciperes, pervenisti? Ut Virtus et Sapientia Patris, « Quæ attingit a fine usque ad » finem fortiter, et disponit omnia suaviter (b), » totus ubique manens, et sine ulla sui mutabilitate in utero tuo veniens, ita castum castellum tui ventris incoluerit, ut ingrediens non læderet, et exiens incolumem<sup>13</sup> custodiret. Dic ergo mihi, quomodo ad hæc pervenisti? Et ista<sup>14</sup>: « Quæris a me, quid<sup>15</sup> obtulerim muneris, ut mei mater efficerer Creatoris<sup>16</sup>? Oblatio mea virginitas est; promissio mea non a me mihi data<sup>17</sup>, sed ab ipso mihi auctore om-

(a) Joan. xii, 47, et iii, 17. — (b) Sap. viii, 1.

<sup>1</sup> Cod. Cass. male *effusus est*. — <sup>2</sup> Cod. Laur. male *mundum*. — <sup>3</sup> Cod. Cass. male *liliorum*. — <sup>4</sup> Cod. Laur. *sulco*. — <sup>5</sup> Cod. Cass. *in sinu Ecclesiæ seminasti*. Cod. Laur. *in sinu Ecclesiæ germinasti*; uterque defectuosus. — <sup>6</sup> Uterque Codex habet *Divinitatis*, sed phrasim sensus exigere videtur *Divinitas*. — <sup>7</sup> Cod. Cass. *eum*. — <sup>8</sup> Cod. Laur. *gessisti*. — <sup>9</sup> Cod. Laur. *præmii*. — <sup>10</sup> Cod. Laur. *abisti*. — <sup>11</sup> Cod. Laur. *habuisti*. — <sup>12</sup> Cod. Laur. *promisisti*. — <sup>13</sup> Cod. Laur. male *incolumis*. — <sup>14</sup> In Cod. Laur. desunt duo illa verba. — <sup>15</sup> Cod. Laur. *quod*. — <sup>16</sup> Cod. Laur. *Salvatoris*. — <sup>17</sup> Cod. Laur. *docta*.

nis boni concessa: « Omne enim datum optimum et omne » donum perfectum desursum est descendens a Patre lu- » minum (a). » Ambitio mea est humilitas mea, et ideo: « Magnificat anima mea Dominum, et exultavit<sup>1</sup> spiritus » meus in Deo salutari meo (b); » quia respexit non in auro clavatam tunicam meam, non pomposo cultu radiantis auri adornamentum cervicis meæ<sup>2</sup>, aut pretiosarum lapidum, margaritarum dependentium (splendorem)<sup>3</sup> aspexit in auribus meis, aut genarum ruborem attendit fuce mendaci coloratum, sed « Respexit humilitatem ancillæ suæ (c). »

VII. Venit enim ad humilem mansuetus, sicut fuerat vaticinio Prophetæ antea promissum, et ait: « Noli timere, » filia Sion. Ecce Rex tuus veniet tibi mansuetus et mitis, » sedens super nubem levem (d) 4. » Super quem nubem levem? Super Mariam scilicet virginem, quam sibi ipse exhibuit sine comparis pondere<sup>5</sup> genitricem. Venit itaque mansuetus requiescens super maternum spiritum, humilem, et « Quietum et trementem verba sua (e). » Venit igitur mansuetus, implens cœlos, transiens per humiles<sup>6</sup> ad superbos, et cœlos non dereliquit, et inflatos tumore superbiæ, appposito humilitatis emplastro, ut mitis medicus ipse curavit. O profunda humilitas! « O excelsior altitudo di- » vitiarum sapientiæ et scientiæ Dei, quam inscrutabilia<sup>7</sup> » sunt judicia ejus et investigabiles viæ ipsius (f). » Angelorum panis lactatur<sup>8</sup> uberibus matris; fons aquæ salientis in vitam æternam, Samaritanam<sup>9</sup>, præformans Ecclesiam

(a) Jac. i, 17. — (b) Luc. i, 47. — (c) Ibid. 48. — (d) Isaï. lxxii, 11. Zach. ix, 9. Isaï. xix, 1. Matth. xxi, 5. — (e) Isaï. lxxvi, 2. — (f) Rom. xi, 33.

<sup>1</sup> Cod. Cass. *exultat*. — <sup>2</sup> Cod. Laur. *non auro clavatam tunicam, non pompas radiantis occulto auro adornamentum*; et post male *pretiosorum*. — <sup>3</sup> Verbum hoc non legitur in codicibus, sed evidenter desideratur. — <sup>4</sup> Cod. Laur. *sedens super nebulam, super Mariam scilicet*. — <sup>5</sup> Cod. Laur. *sine compari sidere*. — <sup>6</sup> Cod. Cass. *humilem minus bene*. — <sup>7</sup> Cod. Laur. *incomprehensibilia*. — <sup>8</sup> Cod. Laur. *lactabatur*. — <sup>9</sup> Cod. Laur. *Samaritanus*.

bibere postulat; convivare cum publicanis et peccatoribus non recusat<sup>1</sup>, cui familiae coelestium Dignitatum cum tremore ministrant. Reguli filium Rex regum reddidit sanum, non adhibens diversis pigmentis epythemam<sup>2</sup>, sed in lingua<sup>3</sup> bajulans medicinam. Extinctum febribus curat servum Centurionis, cujus laudabilis fides inventa est, quia ita Centurio de Domini virtute fieri credidit, quantum ipse suis militibus subditis imperans. Ita praesumpsit passiones paralysis<sup>4</sup>, ut Dominus misericorditer visitando sanaret<sup>5</sup>. Mulieris longo tempore plagam<sup>6</sup> in qua hemoroysi morbi<sup>7</sup> sentina tabida fecerat membra, ipse Salvator tacitam sentiens fidem, et exeuntem de se virtutem, siccavit importunum<sup>8</sup> sanguinis fontem. Et quando cuncta percurram<sup>9</sup> narrandi deficit tempus quam<sup>9</sup> magna potestate et profunda benignitate cuncta perfecit. Qui magnus ad parvos, humilis ad superbos, plenus pietate descendit, nova fecit in saeculo, qui novus venit in saeculum<sup>10</sup>. In cujus mirabilem formam suas<sup>11</sup> Evangelistae monstrant figuras: homo, leo, vitulus, aquila. Homo de Virgine natus est sine homine; ut leo fortis procubuit in mortem, et potestate propria est exaltatus in cruce; tanquam novellus vitulus pro peccatis populi voluntarie mactatus in passione, et sicut aquila vehemens, recepto corpore, de tumulo surgens, stricto secans aërem omnium lapsus<sup>12</sup> calcavit, et « Super Cherubim ascendit et volavit (a), qui ambulans<sup>13</sup> » super pennas ventorum (b) » ascendit in caelum; cui est honor et gloria in saecula saeculorum. Amen.

(a) Psal. xvii, 11. — (b) Id. ciii, 3.

<sup>1</sup> Cod. Laur. cum peccatoribus, cui familiae; caetera sensu truncato desunt. — <sup>2</sup> Cod. Laur. epythimam. — <sup>3</sup> Cod. Laur. sed lingua. — <sup>4</sup> Cod. Laur. paralyticis. — <sup>5</sup> Cod. Laur. sanavit. — <sup>6</sup> Cod. Cass. plaga. — <sup>7</sup> Cod. Laur. humore morbi. — <sup>8</sup> Cod. Laur. importuni. — <sup>9</sup> Cod. Cass. qua. — <sup>10</sup> Cod. Laur. ad saeculum. — <sup>11</sup> Cod. Cass. suam. — <sup>12</sup> Cod. Cass. secans aëre; Cod. Laur. omnium lapsu. — <sup>13</sup> Cod. Laur. ambulat.

## SERMO VI.

## De Incarnatione.

*Hic Sermo legitur apud Montem-Cassinum Cod. cxvii, fol. 49, et in Bibliotheca Laurentiana Plut. xiv, Cod. 1, §. xix, fol. 21. De ea fit mentio in catalogo pluries, et semel cum nomine Severiani. Sed codex Laurentianus, sicut et Cassinensis habet praefixum nomen sancti Augustini. Favent nostro iudicio familiares Augustino verborum oppositiones. Quaedam in fine deesse videntur Bandiniana sententia. Locus ejus post praecedentem.*

## SYNOPSIS.

I. Isaiae vaticinium. II. Christus de stirpe David. III. Christi Nativitas immaculata. IV. Christus Dei Filius. V. Arguuntur haeretici Deum Christum negantes. VI. De eodem argumento.

I. AUDIAT in praesenti dilectio vestra, Fratres charissimi, quemadmodum Esaïas propheta de Domino nostro Jesu Christo annuntiavit dicens: « Ecce virgo in utero » concipiet et pariet filium (a), et vocabis nomen ejus<sup>1</sup> » Jesum; ipse enim salvum faciet populum suum a peccatis eorum (b). »

II. « Joseph, fili David (c). » Videtis, Fratres, in per-

(a) Isaï. vii, 14. — (b) Matth. 1, 21. — (c) Ibid. 20.

<sup>1</sup> Manifestum est hic unam aut duas deesse lineas, ut compleantur verba Isaïae: Vocabis nomen ejus Emmanuel, et incipiant verba Evangelistae quae his adaptantur: Joseph, fili David, noli timere accipere Mariam conjugem tuam; quod enim in ea natum est, de Spiritu sancto est. Pariet autem filium et vocabis nomen ejus Jesum... Ipse, etc. Erravit autem amanuensis ob repetita verba: Vocabis nomen ejus.

sona genus vocari; videtis in unum totam prosapiam nuncupari. Videtis in Joseph seriem Davidis stemmatis sanciri: « Joseph fili David; » vigesima octava generatione natus, quomodo filius David dicitur, nisi quia generis aperitur arcanum, fides promissionis impletur; superna conceptio cœlestis partus virginea nascitur in carne<sup>1</sup>. « Joseph, fili David; » tali voce ad David prolata fuerat promissio Dei Patris: « Juravit Dominus David veritatem, et non frustrabitur eum, de fructu ventris tui potam super sedem meam (a)? » Quod factum David taliter gloriatur in Cantico: « Dixit Dominus Domino meo: Sede a dextris meis (b). De fructu ventris tui<sup>2</sup>; » bene de fructu ventris; bene de utero; quia cœlestis hospes, et supernus habitator sic in uteri descendit hospicio, ut corporis claustra nesciret<sup>3</sup>; sic de habitaculo ventris exivit, ut virginalis janua non pateret; at impleretur illud quod scriptum est<sup>4</sup>, quod cantatur in Canticis Canticorum: « Sponsa mea hortus clausus, fons signatus (c). »

III. « Joseph, fili David, noli timere. » Sponsæ causa sponsus ne timeat admonetur, et vere pius animus dum compatitur plus pavescit. « Joseph, fili David, noli timere, » ne qui<sup>5</sup> de conscientia securus es, de sacramenti cogitatione succumbas. « Fili David, noli timere: » Quam vides, virtus est ista, non crimen; hic non humanus lapsus, sed divinus illapsus. Hoc præmium est, non reatus. Hic incrementum cœli est, non est corporis detrimentum. Hic non est perditio personæ, sed Judicis est secretum. Hic palma genitoris est<sup>6</sup>, non est supplicii pœna. Hic ho-

(a) Psal. cxxxI, II. — (b) Id. cx, I. — (c) Cant. iv, 14.

<sup>1</sup> Cod. Laur. Virginea jam sanguinatur in carne. — <sup>2</sup> Hæc quod factum, etc. desunt in codice Cass. — <sup>3</sup> Cod. Laur. male nescirent. — <sup>4</sup> Cod. Laur. non habet hæc verba: Illud quod scriptum est. — <sup>5</sup> Ab his verbis: Sponsæ causa totum in Cod. Cass. desideratur. — <sup>6</sup> Cod. Laur. cognitoris est.

minis scortum non est<sup>1</sup>, thesaurus est Christi. Hic non est mortis causa, sed vitæ; et ideo « Noli timere; » quia quæ<sup>2</sup> talem parturit, non meretur occidi. « Joseph, fili David, « noli timere accipere Mariam conjugem tuam. » Sponsam vocari<sup>3</sup> conjugem, legis est hoc divinæ. Sicut ergo manente virginitate<sup>4</sup>, mater est; ita conjux pudore dicitur permanente.

IV. « Joseph, fili David, noli timere accipere Mariam conjugem tuam, quod enim in ea natum est de Spiritu sancto est (a). » Veniant et audiant qui requirunt quis est quem Maria genuit: « Quod in ea natum est de Spiritu sancto est. » Veniant et audiant, qui græco turbine latinam nubilare nisi sunt<sup>5</sup> puritatem, Anthropotocon<sup>6</sup>, Christotocon, Theotocon ut tollerent blasphemantes. « Quod in ea natum est, de Spiritu sancto est. » Et quod de Spiritu sancto natum est, spiritus est; quia « Deus spiritus est. » Quid ergo requiris, quid sit de Spiritu sancto natum<sup>7</sup>? Cum tibi quia Deus est, Deus ipse respondeat, cum tibi Joannes inrepet: « In principio erat Verbum, et Verbum erat apud Deum, et Deus erat Verbum; et Verbum caro factum est, et habitavit in nobis, et vidimus gloriam ejus (b). » Joannes vidit gloriam, respice; Infidelis, injuriam. « Quod in ea natum est de Spiritu sancto est. Et vidimus gloriam ejus. » Cujus? Ejus qui « Natus est de Spiritu sancto; » ejus qui « Verbum caro factum est, et habitavit in nobis. Quod in ea natum est, de Spiritu sancto est. » Virgo concepit, sed de Spiritu sancto; Virgo parturit<sup>8</sup>, sed eum quem prædixit

(a) Matth. I, 20. — (b) Joan. I, I, 14.

<sup>1</sup> Cod. Cass. hominis ortus est; non bene. — <sup>2</sup> Cod. Cass. male qui. — <sup>3</sup> Cod. Laur. vocare. — <sup>4</sup> Cod. Cass. Divinitate. — <sup>5</sup> Cod. Cass. prave non sinunt. — <sup>6</sup> Cod. Laur. male antropocon. — <sup>7</sup> Cod. Laur. natus est. Cætera usque ad eum tibi Joannes desunt in Cod. Cass. — <sup>8</sup> Sed de Spiritu sancto, Virgo parturit. Hæc non leguntur in Cod. Cass.

Esaiās : « Ecce Virgo concipiet et pariet filium, et vo-  
» cabitur nomen ejus Emmanuël, quod interpretatur :  
» Nobiscum Deus (a). » Cum illis homo; et « Maledictus  
» homo qui spem suam ponit in homine (b). »

V. Audiant qui requirunt quis est qui natus est de  
Maria. « Pariet Filium, inquit Angelus, et vocabunt  
» nomen ejus Jesum (c). » Quare Jesum? Apostolus dicit<sup>1</sup> :  
« Ut in nomine Jesu omne genu flectatur, coelestium,  
» terrestrium, et infernorum (d). » Et tu quid sit Jesus,  
dolosus cognitor nunc requiris? « Omnis jam lingua con-  
» fitetur; quia Dominus Jesus<sup>2</sup> in gloria est Dei Patris (e), »  
et tu adhuc modo quid sit Jesus nequiter perscruteris.

VI. Audi adhuc quid sit Jesus : « Pariet<sup>3</sup> Filium et  
» vocabitur nomen ejus Jesus. Ipse enim salvum faciet  
» populum suum a peccatis eorum; » non alterius,  
« salvum faciet populum suum. » Unde? « A peccatis  
» eorum<sup>4</sup>. » Esse Deum qui peccata donat, si Christia-  
nis non credis, crede, infidelissime, vel Judæis dicen-  
tibus : « Cum sis homo, facis te ipsum<sup>5</sup> Deum (f). Ne-  
» mo potest dimittere peccata nisi solus Deus (g). » Illi  
ergo negabant Deum, qui eum peccata dimittere non cre-  
debant; tu ab eo peccata dimitti credis, et Deum dubitas  
confiteri<sup>6</sup>. « Verbum caro factum est, » ut homo caro  
promoveretur in gloriam<sup>7</sup> Dei, non ut Deus in carnis  
verteretur injuriam, sicut dicit Apostolus : « Qui se jungit  
» Deo, unus spiritus est (h), » (et) quomodo non<sup>8</sup> quando se

(a) Isaï. vii, 14. — (b) Jer. xvii, 15. — (c) Matth. i, 21. — (d) Philip. ii, 10.  
— (e) Ibid. 11. — (f) Joan. x, 33. — (g) Luc. v, 21. — (h) 1 Cor. vi, 17.

<sup>1</sup> Cod. Laur. dicat. — <sup>2</sup> Cod. Laur. Dominus noster Jesus Christus. —  
<sup>3</sup> Cod. Laur. paries, et deinde vocabis. — <sup>4</sup> Cod. Cass. populum suum unum  
a peccatis eorum. — <sup>5</sup> Cod. Laur. te Deum. — <sup>6</sup> Hic detractis pluribus  
verbis inextricabilis est Cod. Cass. sed ex Cod. Laur. corrigitur. In priori enim  
desunt hæc verba : non credebant; tu ab eo peccata dimitti; unde phrasid  
sine sensu remanet. — <sup>7</sup> Cod. Cass. gloria. — Hæc verba videntur abundare.

jungit Deus homini unus Deus est<sup>1</sup>. Humanæ leges<sup>2</sup>  
intra triginta annos litigiosas omnes<sup>3</sup> interimunt quæs-  
tiones; et Christus circa quingentos annos nativitatæ suæ  
causas præstat. Ortus sui lites patitur; status sui continet  
quæstiones. Hæretice, desine judicare Judicem tuum; et  
adora in cœlis Deum tuum<sup>4</sup>, quem Deum Magus ado-  
ravit in terris<sup>5</sup>.... Cui honor est et gloria, laus et impe-  
rium in sæcula sæculorum. Amen.

## SERMO VII.

## In Natali Domini I.

*Legitur hic Sermo in Cod. XI Montis-Cassini fol. 262, cum nomine S. Augustini, cui sine dubio vide-  
tur tribuendus. Reperiuntur duo circiter numeri in  
Appendicis Maur. sermone ccciv, fol. 402; sed talis  
similitudo non inficit hujus nostri auctoritatem, cum  
e contra probabiliter ostendat illum esse verum Au-  
gustini fœtum, qui in Appendice non nisi depravatus  
habetur, cum nihil ex iis, quibus nititur Maurinorum  
sententia, hic occurrat. Adde quod in Sermone nostro  
laudetur liber III Esdræ, et Scripturæ nomine de-  
signetur, quod sententiæ Augustini apprime con-  
venit, eundem librum, ut Scripturam, citantis in  
opere DE CIVITATE DEI, libr. XVIII, cap. xxxvi, ubi re-  
fert factum aliquod depromptum ex capit. III. In edi-  
tione Maurinorum post sermonem cxcvii collocandus  
est, et accipit numerum in Natali Domini XIV.*

<sup>1</sup> Sic Cod. Laur. Cod. Cass. habet solummodo : Qui se jungit Deus ho-  
mini unus Deus est. — <sup>2</sup> Cod. Cass. male legis. — <sup>3</sup> Cod. Cass. male ho-  
minis. — <sup>4</sup> Tuum deest in Cod. Cass. — <sup>5</sup> Hic plurima desiderantur.